

QUÆSTIO MEDICA,  
 QUODLIBETARIIS DISPUTATIONIBUS  
 MANÉ DISCUTIENDA  
 IN SCHOLIS MEDICORUM.

Die Jovis 30 Januarii 1721.

M. PETRO MALOET DOCTORE,

REGIS CONSILIARIO ET MEDICO,

NEC-NON DOMUS REGIÆ INVALIDORUM MILITUM

ORDINARIO, PRÆSIDE.

*Sunt-ne globuli sanguinis spiritus?*

I.

IN humano corpore dari spiritus ab omni ævo à Medicis traditum  
 huc usque à nemine demonstratum. Illos antiqui in tres veluti tur-  
 mas aut legiones diviserunt, nempe animales, vitales & naturales:  
 quibusque arces deditæ, castra assignata, mandata sunt Provincie.  
 Animales tanquam Principes in capite sublimiori & fortiori propu-  
 gnaculo, motus sensuumque Præfectos, vitales in corde pulsus respi-  
 rationisque muniis excubantes, naturales in hepate nutritionis & gene-  
 rationis operibus vacantes constituerunt. Nec minus fecundi fuere in  
 contexendâ spirituum crâsi, quàm in disponendis eorum ordinibus.  
 Morum substantiam sinxerunt æream, tenuem, halituosam, insens-

A.

a Fernel Phys.  
 fol. 1. 14. c. 2.  
 b River. Init.  
 Medis. 1. 1. sect.  
 14. c. 1.  
 c Fernel. loc.  
 cit. & cap. vi.  
 d Id. ibid.  
 e Aristot. 1. 2.  
 de generat. ani-  
 mal. cap. 3.

a Verhey. anat.  
 corp. hum. 1. 2.  
 cap. xxxiii.  
 b Paracels. vo-  
 catur Adech. 1.  
 2. Chirur. ma-  
 gus c. 13. Ru-  
 lando & John-  
 son. adibat sive  
 mercurius. Brun.  
 Lex. Cast. flam-  
 ma vocab. hz-  
 ma.

Vuillif. mate-  
 riz vitalis incen-  
 diunt de anima  
 brutorum. part.  
 2. c. 2. seu flam-  
 ma accensa à  
 quâ lumen aut  
 calidit lucis em-  
 nant. Ibid. c. 14.

Animæ corpo-  
 rez pars altera  
 vitalis, seu flam-  
 ma in sanguine  
 radicata. Ibid. c.

\*. Boha. vitali-  
 tas seu princi-  
 pium vitale, par-  
 tes aëris globu-  
 losæ circa axem  
 proprium motæ.  
 Circul. anat. pro-  
 gym. 14.  
 c. Id. ibid.  
 Schal. Doc. Med.  
 schoret. part. 1.  
 Physiol. sect. 1.  
 membro 2.

lem, igneam<sup>a</sup>, lucidam<sup>b</sup>, ætheream<sup>c</sup>, cœlestem<sup>d</sup>, divinam<sup>e</sup>, deos in  
 scenam advocantes, cūm domi haberent quod ab astris petebant, igneum  
 illis vigorem & cœlestem dederunt originem; aliaque id genus com-  
 menta prodidēre, quæ quā vana sint, inania, futilia jam dudūm ex  
 neotericorum observatis evincitur, tantūm valet ævi vetustas mutare  
 longinqua: Isti non minū<sup>s</sup> solliciti in indagandā spirituum naturā in-  
 sudarunt, incerti licet contraria scindantur in studia partesque rapiantur  
 varias & animum versaverint in omnes; nec tamen à suis labori-  
 bus obtinēre, ut aliquid certi circa eōrum indolem statuerent, non  
 lucem ex fumo, sed ex fulgore fumum dantes, dum substantiam nescio  
 quam subtilem<sup>a</sup>, functionum omnium scatutiginem<sup>b</sup> quā nec cap-  
 it sensus, nec ratio demonstrat, quā potius ei refragatur, adeoque ex  
 imaginationis potius quā naturæ penu depromptam venditant, quod,  
 ut culpæ fuga ducit in vitium, quibusdam spiritus è microcosmi par-  
 tibus ablegandi ansam dedit<sup>c</sup>. Heu medentium ignaræ mentes! His  
 adductus temerarium forsan ac sacrilegum dices, curiosum spirituum  
 scrutatorem, quos tam cœcā caligine obvelasse videtur invidiosa na-  
 tura? intempestivam mitte verecundiam; detegi amat quæ nuda cons-  
 pici non vult, sagaciter rimanti ultrō se prebet sepius, quæ timi-  
 dum & otiosum veneratorem refugit, & mille irritis assultibus acta,  
 vinci se patitur: aliquandō. Si fortē recentibus monstrare indiciiis re-  
 rum abdita necessē est, si non exaudita continget dicere, pudenter  
 sumpta dabitur licentia.

## II.

**SANGUIS** non simplex aut homogeneous est, sed ex variis  
 heterogeneisque liquor emergens humoribus, tantūm à se invicem  
 discrepantibus, quantum lupinis distat æra, qui discrimen illud  
 nescit, à lacte bilem, dulce ab amaro, à gratissimittia non discernit.  
 Hi humores, diversi licet, socio tamen fœdere juncti ad totius mo-  
 lis sanguinæ compositionem amicē conspirant: quisque privato fungi-  
 tur officio, nec alter alteri nocet: hic nutritioni vacat & lymphæ audit,  
 illi digestionis seu ut volebant veteres, coctionis alimentorum munus  
 aggrediuntur; horum alius, nempe, saliā inchoando præparat, alius  
 liquor, putā, gastricus, pergendo molitur, alter qui bilis est digestio-  
 nis opus absolvit, perficit, absque ullo ( si dentes exceperis ) vana  
 illius antiquatæ & jam dudūm obsoletæ, licet hisce temporibus à  
 paucis renovatæ triturationis auxilio, aliās inutili, fictitio, natu-  
 ræ repugnanti, nec-non è diametro rationis, physices, geometriæ,  
 & æconomice animalis legibus adverso. Demūm peractā alimentorum  
 dissolutione, isque in chylum <sup>in venter</sup> conversis, quod in illis  
 impurum est atque minus subactum à succo pancreatico & intestinali  
 præcipitatur, & à puriore lacteāque substantiā forās eliminandum  
 segregatur; reliquis, quorquor liquores extant in corpore, singulis  
 usus assignatus: cuilibet igitur humori sanguinem constituentem suum  
 munus concessum est; & si quis est inutilis aut superfluous per vias à  
 naturā paratas extrā pellitur. Una pars rubra feriabitur in corpore

Hanc otiosam & inertem reliquere Medici; mirum sane quod pars sanguinis præcipua, quæ propriè & strictè sanguis est, quæque cum cæteris humoribus mixta, aut ab iisdem sejuncta, sola sanguinis nomen aut dare aut retinere potis est, nullas partes agit in corpore nulliusve sit pretii; nec minus mirandum subit, quod provida natura quæ tantâ sedulitate atque industriâ tot fabrefecit organa & internicula, quibus velut totidem collicis humores inutiles foras amandantur, nullum excernendis sanguinis globulis (iis enim constat pars ejus rubra) si forent inutiles destinaverit, dicaverit, illisque vasa à succis utilioribus occupanda impleat. Nonne hæc tanquam convitia in naturam prolata, atque ab ejus sagacitate alienâ censenda sunt? An non verisimilius est globulos istos quemdam in finem editos, adornatos, in vasis sanguineis constanter retineri.

### III.

**D**UAS potissimum in partes dividi conspicuas sanguinem è vasis deductum, omnibus & lippis notum & consoribus. Ex his altera pellucida & limpida, rubra aut purpurea altera; ista centrum pelvis occupat & sero innatat; oculorum examini subdita seu intrâ vasa, seu extrâ adhuc calens, ope microscopii ex innumeris globulis motu perniciosissimo, perturbato & turbinato concitis, liquori diaphano innatantibus, constata observatur, li circa suum centrum perpetuò gyran-  
4 Casp. Barbo-  
lin. the. fil. in  
ad. Hæst. vol.  
III. oblect. 3.  
rant, atque motibus alternis compressionis & expansionis perciti, syphole suâ & diafole quodammodò gaudent; totidem planetas diceret, qui licet motu totius molis progressivo rapiantur, nihilominus peculiare exhibent vortices motibus propriis actos, quibus partes quo ambiuntur & innatant liquoris in motus cient. Id in guttulâ sanguinis è digito aciculâ pertuso prodeunte, idem in mesenterii, pulmonis ranæ, eaudæ tinxæ viventium sanguine propriis vasis contento advertitur. Hi globuli, mercurii instar, dividuntur in partes minores, atque istæ in alias etiam minores, sphericam aut dum à se se invicem aut vaso um exilitate comprimuntur sphaeroidem vel ellipticam figuram æmulantes, & tunc colorem rubrum exeunt, aliam formam (spirituum verisimiliter animalium ad usus etiam præstantiores) induturæ; sed cum ad summam exiguitatem adductæ sensus fugiant, & de his nihil certi statuere liceat, de illis pariter aliquid asserere piaculum esse ducimus: Non plus ultra progredi huc usque valuit oculorum acies quantumvis armata, & si quid aliud in hoc cæco labyrintho detegere curiosus fatagas; illud non-nisi chymix, alterius velut ariadnes, filo assequi licebit; hunc capeffat & sequatur in tenebris qui alias veris species capiet permixtas, mala quem stultitia & quæcunque veri incertitia cæcum agit, similem illi qui ~~in~~ <sup>in</sup> horologii putâ aut moletrinx artificium singulare motusque varios chymicâ arte quæreret; sanguis enim cum sit promiscuus ~~confusaneus~~ liquor ex diversis humoribus coagmentatus, non per principia chymicâ, sed per hosce humores partibus integrantibus actionem suam exercentes operationes suas edit: illos humores ignis vi de-

turbandos & destruendos fore, quis non videt? hinc ut machinam arte factam illius cognoscendæ ergo, ignis tórturæ credere æque ineptum ac supervacaneum esset, idem de sanguine iudicium esto. Itaque missis hîc chymicis opetibus, certis, indubitatis & in media luce positis inharere principiis animus est, ne indeprensus & irremeabilis fallat error.

## IV.

**SPIRITUS** unanimi saniorum Medicorum, Physicorum & Chymicorum consensu sunt subtiliores, tenuiores, expeditiores, mobiliiores, aut motui aptiores mixtorum partes <sup>a</sup> quæ idè promptius agere & moleculas aliorum quibus immiscentur corporum, alioqui inertium exagitare aptæ sunt <sup>b</sup>, in quibus tota compositi vis residet & potentia, à quibus demùm omnes ejus effectus & operationes dependent; ita liquor è viperis aut cervi cornu ignis operâ secundo loco prodians spiritus viperarum aut cornu cervi nomine insignitur, ejus namque partes violentissimo motu cientur virtutemque & efficaciam, si quæ fuerant in viperis aut cervi cornu, imò longè majores possidet quod patebit si naribus subdatur aut linguæ admoveatur; sic sal fluor è sale marino ignis ope elicitus spiritus salis audit, quòd vim omnem & energiam quibus dotatur hoc minerale in se contineat & multò superet, durissimis plurimis corporibus solvendis & aliis effectis aptus, quibus sanè impar integrum sal marinum. Is dotibus instructus esse sanguinis globulos quis iusticias eat? Quis illis tenuitatem summam, rapidissimum motum, velocitatem maximam deneget? In hoc solum à tantoperè jactatis chymicorum spiritibus discrepant, quod hi arti, illi naturæ opus, cætera, pares; quid? potentiores sunt; dubitas? vaniloquio non obtundam, nec te longis ultra quàm fatis est morabor ambagibus: tuis adhibe fidem oculis priùs conspicio munitis; hi partem sanguinis rubram ex minimis spherulis celerrimè & in turbinem motis constatam tibi exhibebunt. Nec aliam cæterorum molis sanguinæ humorum motus causam tamdiù & frustra quæsitam investigas; habes evidentem quæ abundè sufficit. Reliquis humoribus miscentur & innatant purpurei sanguinis globuli, quo motu aguntur, agunt vicissim & secum rapiunt ambientia fluida, eorum, chyli etiam accedentis, partes agitando dividunt, separant, confundunt, hinc chylo & aliis liquoribus debita ad circulandum fluxilitas, ad secretionem tenuitas incassum à fibrarum oscillationibus à quibusdam repetitæ. Sic, violentius tamen, in luis veneræ curatione hydrægyrum cum axungia mixtum, in minutissimos globulos disseminatum, per cutis poros in sanguinem transmissum, hujus partes dissociat, disjungit, disturbat, unde virus veneri destructio & ejus fluidiori facto sanguine excretio: nec sit novitas tibi pudori; sit modò veri comes: miraris rubrum globulorum è chylo albo derivatorum colorem? Hoc ne te interrumpat, nitri licèt candidi spiritus in distillatione subrubras offerunt excipuli parietibus adhærentes nubeculas; vitriolum album calcinatione aliquandiu protractâ, absque conspicui ullius corporis

<sup>a</sup> Ita definitur spiritus vitalis Bohn. loc. cit. Verhey. loc.

<sup>b</sup> cit.

<sup>c</sup> & Villis tract. de febr. c. 1.

miscelâ rubrum colorem acquirit: quin & lac ipsum quod nihil aliud est quam chylus, sale lixioso addito, experimento omnibus noto, brevi coctione, sanguinis instar, rubescit, imò placido igni imposi-  
tum, absque ullo additamento diu agitatum, rarâ apud nos, sed frequentissimâ in Norvegiâ experientiâ, coccineo colore inficitur: lixivium & cerevisia, ut alia taceam, diuturniori coctione ruborem contrahunt. Quod hisce corporibus sale alkalino imprægnatis caloris motu qui vorticosus est accidit, numquid subtilioribus mobilioribusque pariter non eveniet chyli particulis globulorum figuram adeptis, eodem sale factis, simili motu concitis, quæ non tardiorum globulorum æthereorum rotationem rubri coloris, si quæ phycis fides, parentem promovere valent? At sanguinis fortè globulorum figuræ causam ulterius inquiris? Hanc non aliundè, quàm ex eorum pingui oleosâque substantiâ quâ sero aqueo cui innatant immiscibiles sunt, repetas; sic oleum aquæ affusum agitatione in globulos abit aquæ innatantes sed impermixtos, qui, si quieti permittantur, in molem coeunt ab aqua distinctam: idem in sanguine è venis extracto pereunte ejus motu observabis; nempe partis ejus rubræ, quæ tota oleaginea est, globuli massam constituunt à sero, cui prius immergebantur, discretam.

#### V.

QUOD nomen, Mercurii nempe, à chymicis mixtorum spiritui propter summam agilitatem & volubilitatem quam in illo supponunt inditum, idem tanto potiori jure globulis sanguineis concedi fas est, quod eorum agitatio maxima oculis patet, & cum motu sanguinis progressivo & circulari perpetuò foveatur, cundo vires acquirit; hinc nullam habet in rerum naturâ parem. Hi genuini sunt animalis motus autores qui sanguinem suo perflant turbine; in illis purpuream reperies animam seu spiritum qui intus alit, mentemque quæ per totos artus infusa molem agitat; hi functionum omnium fons, origo, principium, quo nullum aliud viget mobilitate velocitûs; in eis calidum innatum, *qualitatem omnibus animalibus propriam & familiarem cujus beneficio vivunt & functiones suas exercent*<sup>a</sup>, humidumque primigenium, *substantiam illam pinguem & oleosam per omne corpus effusam quæ calor nativus tanquam proprio pabulo conservatur*<sup>b</sup>, de quibus tot & tanta apud veteres fabulæ, rectius collocabis; per totum enim corpus diffusum globuli illi animaleam machinam jugi, universali & æquabili influxu irradiant, vivificant & pingui oleosâque substantiâ quâ omnium Medicorum consensu scatent, exercendis muneribus calido innato & humido primigenio aut radicali impositis, nempe excitando, fovendo, conservandoque calori nativo adæquati sunt; hinc illos, spiritus influentes tum & insitos, ingenitos, implantatos *suppositos*, ex antiquorum doctrinâ calidum innatum constituentes appellare verum est. Hæc, ex jam dictis, à priori liquent, à posteriori ex eo probantur, quod quo plus pars aliqua globulis illis purpureis turget, quod calore ejus saturatè rubro dignoscitur (partium enim omnium propria sub-

<sup>a</sup> River. institut. Medic. lib. 1.  
<sup>b</sup> sect. cap. 3.  
<sup>c</sup> Id. ibid.



stantia subalbida est, ut omnes norunt) eò vividius calet & vice versâ, hinc hepatis quod cætera viscera rubedine vincit, maxima, ossibus verò & cartilaginibus partium candidissimis, minima caliditas. Circâ hepar id obiter observandum illud multò majorem, omnibus aliis partibus globulorum copiam in se recipere, etiam proportionem habet ad maximam quantitatem qui ad id per portæ venam appellit sanguinis; is enim à plerisque infimi ventris visceribus redux, lymphâ nutritiâ orbatus, variisque recrementis spoliatus, parte rubrâ ferè solâ paucò sero dilutâ constans ad jecur fertur; hinc non est quod quis ruborem hepatis intensum caloremque fervidum miretur: nec te potiùs naturæ quàm auctoritati litantem à propositâ sententiâ dimoveant illi qui ne senes perdenda fateantur quæ imberbes didicere in contrarium assurgunt, prisca enim cedere veris æquum est: à globulis recentis cum humorum tum fibrarum motum deducito, æquus si te non deficit animus; quibus enim solemnissimus est motus, illis perennè comites assident, hinc fibræ motrices muscutorum, v. g. cordis &c, non verò quæ inertes, ut sunt ossium, cartilaginum, nervorum, lymphæ quæ sunt nutritura, motus egens, neutiquàm quæ refluit, vitalem hanc gerunt purpuram; hæc ornata nutriuntur, vivunt, moventur, vigent, decorantur partes, illâ destituta, ut sit in cachecticis, languent, fatiscunt, deturpantur. Sanguinis sphaerulas intellige per ea quæ in nobis cum impetu moventur<sup>a</sup>, aut impetum faciunt<sup>b</sup> quæ meritò suboluit Hippocrates & statuit, licet nec assignata nec demonstrata à Medico consideranda. Hæres adhuc? adesdum paulisper. Exhaustiuntur viri? potulentorum sulphure volatili refertorum qualem in sanguinis globulis indicant sensus ipsi, haustu recreantur. Lymphaticus humor in partis cavum effunditur & colligitur tumorem œdematodem producturus? frustra ab eo & à partis continentis fibris, præpotentibus licet à quibusdam perperam habitis, ullum expectabis motum; immortum manet utrumque. Sin fortuito casu, rupto in sinu tumoris vase sanguineo, pars cruoris rutilans ad lymphæ partes accedat, brevi illius globuli quietis nescii impetum facient, & humorem collectum partisque fibras antea inertes in motus agent abnormes, donec utrisque cedere coactis humor in purulentam materiam, & partis fibræ rupto abcessu dehiscences in ulcus convertantur. Jacet aliquis ægrum trahens corpus, fractis viribus, motus impotens? ora pallor albus inficit? fastidiosâ tristis ægrimoniâ? animi cecidere? quatit artus æger anhelitus? labant genua, pedesque illusi corpus reculant ferre vitiosum? minimus corpore jam gelido sanguis solâ calet febre? horum causam inquiris? & quid hoc veneni sævit in præcordiis? ad fontem mali progredere, atque sanguinis partem globulosam glutine quodam vinctam, puta, irretiri; sic hydrargyrum therebenthinâ, ovi albumine aut axungia impeditum intricatumque mobilitate quâ præpollebat maximâ orbum cernitur; parilem statum globulorum vitiosi sanguinis te docebit ejusdem inspectio, in quo etiam microscopio usurpato, ne minimum quidem eorum vestigium observabis; hi enim larvatâ formâ, colore depositi, mutatâ figurâ motuque nativo privati in humorem quemdam

<sup>a</sup> Hippocrat.  
Ioc. ib. 6. de  
Morbo pop. sect.  
8.

<sup>b</sup> Vvillis loc.  
cit.

crassum, viscidum, subdum, fungi aut cinaræ æmulem, rudem, in digestamque molem coaluerunt, gelidus frigore concrevit sanguis, hinc prima labes mali, morbi hic fons, hoc caput; salutari levas arte fessos artus corporis? medicaminibus ritè adhibitis globulis illis à pedicis expeditis pristinam formam restituis? morbi causa venis fugerit & aquosus albo languor corpore; tum illi compedibus liberi & sui juris facti compotes munus suum exercent, herbis revocatæ pœoniis reficiuntur vires, has enim sanguis dat melior,

*Parcæ meliora benignâ*

*Pensa manu ducunt hilares,*

Partibus alacritas & vigor, functionibus integritas accedunt, & qui priùs ægotans collapsis jacebat viribus, jam præscripta surgit ad munia vegetus.

*Ergò sunt globuli sanguinis spiritus.*

Domini Doctores disputaturi.

M. Joan. Dam. Chevalier.	M. Emman. Mauritius du Verney.	M. Urbanus Leaulté.
M. Claudius Brunet.	M. Ludovicus - Claudius Bourdelin.	M. Franciscus Picoté de Belestre.
M. Ludovicus de Santenl.	M. Michael - Ludovicus Vernage.	M. Bertin-Simon Dieuxivoye.

Proponerat Parisiis ANDRÆA S-JOSEPHUS  
SERON, Parisiensis, Baccalaureus Medicus,  
A.R.S.H. 1721, à sextâ ad meridiem.